



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

06.03.2018թ.

Ո Ր Ո Շ ՈՒ Մ

ՀՀ գնումների բողոքարկման խորհրդի

թիվ ԳԲԽ-ԱՄ-2018/27

Հայաստանի Հանրապետության գնումների բողոքարկման խորհուրդը (այսուհետ նաև՝ խորհուրդ) քննելով «Էլիտ Գրուպ» ՍՊԸ-ի կողմից 19.02.2018թ. ներկայացված բողոքը (այսուհետ նաև՝ ԳԲԽ-ԱՄ-2018/27 բողոք) և կից փաստաթղթերը, պարզեց հետևյալը.

1. «Էլիտ Գրուպ» ՍՊԸ-ի ներկայացրած փաստերը, հիմնավորումները և պահանջը.

«Էլիտ Գրուպ» ՍՊԸ-ն (այսուհետ նաև՝ Ընկերություն) ՀՀ գնումների բողոքարկման խորհրդին ներկայացրած 19.02.2018թ. բողոքով հայտնել է հետևյալը.

ՀՀ պաշտպանության նախարարության (այսուհետ՝ Պատվիրատու) կողմից մսաբուսական և բուսական պահածոների ձեռքբերման նպատակով կազմակերպվել է «ՀՀ ՊՆ ՆՏԱԴ-ԲՄԱՊՁԲ-7/10» ծածկագրով բաց մրցույթ (այսուհետ նաև՝ Մրցույթ):

«ՀՀ ՊՆ ՆՏԱԴ-ԲՄԱՊՁԲ-7/10» ծածկագրով բաց մրցույթին մասնակցության հայտ է ներկայացրել նաև «Էլիտ Գրուպ» ՍՊԸ-ն:

«Էլիտ Գրուպ» ՍՊԸ-ն ՀՀ պաշտպանության նախարարության կողմից մսաբուսական և բուսական պահածոների ձեռքբերման նպատակով կազմակերպված «ՀՀ ՊՆ ՆՏԱԴ-ԲՄԱՊՁԲ-7/10» ծածկագրով բաց մրցույթին մասնակցության հայտ ներկայացնելիս՝ որպես հայտի ապահովում, գնահատող հանձնաժողովին է ներկայացրել նաև «Արցախբանկ» ՓԲԸ-ի կողմից 29.01.2018թ.տրամադրված թիվ 227/06/01 բանկային երաշխիքը (կցվում է):

Մրցույթի գնահատող հանձնաժողովը 31.01.2018թ. ժամը 10:00-ին տեղի ունեցած նիստի թիվ 3 արձանագրության 2.3 կետի համաձայն՝ քննարկել է «Էլիտ Գրուպ» ՍՊԸ-ի հայտի ապահովման բանկային երաշխիքը և որոշում է կայացրել մերժել նրա հայտը:

Մասնավորապես, 2.3 կետով արձանագրվել է նաև հետևյալը. «Հանձնաժողովի գնահատող անդամները Վ. Գասպարյանը, Ա. Մարգարյանը և Տ. Հարոյանը կողմ քվեարկեցին, քանի որ ըստ նրանց՝ «Էլիտ Գրուպ» ՍՊԸ-ի հայտի ապահովման բանկային երաշխիքները չի համապատասխանում 2011թ. օգոստոսի 11-ի թիվ 1145-Ն որոշմամբ հաստատված երաշխիքի օրինակելի ձևին: Հանձնաժողովի գնահատող անդամներ Լ. Մաղաքյանը և Ս. Նիկոլյանը դեմ քվեարկեցին, քանի որ ըստ նրանց՝ «Էլիտ Գրուպ» ՍՊԸ-ի հայտի ապահովման բանկային երաշխիքը համապատասխանում է հրավերի պահանջներին:

Փաստորեն, «Էլիտ Գրուպ» ՍՊԸ-ի հայտը մերժելու մասին որոշումը կայացնելիս՝ գնահատող հանձնաժողովի թվով 5 անդամներից՝ 2-ը դեմ են քվեարկել հայտերը մերժելու որոշման դեմ, քանի որ ըստ նրանց՝ «Էլիտ Գրուպ» ՍՊԸ-ի հայտի ապահովման բանկային երաշխիքը համապատասխանում է հրավերի պահանջներին: Իսկ «Էլիտ Գրուպ» ՍՊԸ-ի հայտը մերժելու մասին որոշման հիմքում դրվել է այն հանգամանքը, որ հայտի ապահովման բանկային երաշխիքը չի համապատասխանում ՀՀ կառավարության 2011թ. օգոստոսի 11-ի թիվ 1145-Ն որոշմամբ հաստատված երաշխիքի օրինակելի ձևին:

«Գնումների մասին» ՀՀ օրենքի (այսուհետ նաև՝ Օրենք) 2-րդ հոդվածի 9-րդ ենթակետի համաձայն՝ հայտի ապահովումը սույն օրենքով նախատեսված դեպքերում մասնակցի կողմից հայտով ստանձնած պարտավորությունների կատարումն ապահովող միջոց է:

Նույն հոդվածի 10-րդ մասի համաձայն՝ պայմանագրի ապահովումը սույն օրենքով նախատեսված դեպքերում ընտրված մասնակցի կողմից պայմանագրով ստանձնվող պարտավորությունների կատարումն ապահովող միջոց է:

Օրենքի 32-րդ հոդվածի 1-ին մասի համաձայն՝ մասնակիցը հայտով՝ հրավերով սահմանված պահանջով ներկայացնում է հայտի ապահովում, որի չափը հավասար է հայտով առաջարկվող գնի մինչև հինգ տոկոսին: Հայտի ապահովումը ներկայացվում է միակողմանի հաստատված հայտարարության՝ տուժանքի կամ բանկային երաշխիքի կամ կանխիկ փողի ձևով: Կանխիկ փողի ձևով ներկայացված հայտի ապահովումը պահվում է լիազոր մարմնի անվամբ բացված գանձապետական հաշվում:

Օրենքի 35-րդ հոդվածի 1-ին և 2-րդ մասերի համաձայն՝

1. Պայմանագրի ապահովում ներկայացնելու պահանջի հիման վրա այն ստանալու օրվանից 10 աշխատանքային օրվա ընթացքում ընտրված մասնակիցը պարտավոր է ներկայացնել պայմանագրի ապահովում: Ընտրված մասնակցի հետ պայմանագիր կնքվում է, եթե վերջինս ներկայացնում է պայմանագրի ապահովում

2. Պայմանագրի ապահովման չափը կազմում է պայմանագրի գնի 10 տոկոսը: Պայմանագրի ապահովումը ներկայացվում է ընտրված մասնակցի կողմից միակողմանի հաստատված հայտարարության՝ տուժանքի կամ կանխիկ փողի կամ բանկային երաշխիքի ձևով: Կանխիկ փողի ձևով ներկայացված պայմանագրի ապահովումը պահվում է լիազոր մարմնի անվամբ բացված գանձապետական հաշվում:

Մրցույթի հրավերը նույնպես նախատեսում է թե՛ հայտի ապահովում, թե՛ պայմանագրի ապահովում ներկայացնելու պահանջներ և պայմանները:

Այսպես, Մրցույթի հրավերի 2.3-րդ կետի համաձայն՝ մասնակիցը հայտով ներկայացնում է հայտի ապահովում՝ կանխիկ փողի կամ բանկային երաշխիքի ձևով:

Հրավերի 4-րդ կետի 4.3-րդ կետի 5-րդ ենթակետի համաձայն՝ մասնակիցը հայտով ներկայացնում է հայտի ապահովում: Եթե հայտի ապահովումը ներկայացվում է կանխիկ փողի կամ բանկային երաշխիքի ձևով, ապա հայտով ներկայացվում է կանխիկ փողի վճարումը հավաստող փաստաթղթի բնօրինակից կամ բանկային երաշխիքի բնօրինակից արտատպված (սկանավորված) ընթեռնելի տարբերակը: Ընդ որում, եթե բանկային երաշխիքի ձևով հայտի ապահովում ներկայացրած մասնակիցը ճանաչվում է առաջին

տեղը զբաղեցրած մասնակից, ապա վերջինս սույն հրավերով սահմանված կարգով և ժամկետում հանձնաժողովին է ներկայացնում է հայտով ներկայացված բանկային երաշխիքի բնօրինակը՝ իր կողմից հաստատված ուղեկցող գրությամբ:

Հրավերի 7-րդ բաժինը ամբողջությամբ նվիրված է հայտի ապահովման կարգավորմանը: Այսպես, հրավերի 7.1 կետի համաձայն՝ մասնակիցը հայտով՝ սույն հրավերով սահմանված կարգով ներկայացնում է հայտի ապահովում, որի չափը հավասար է հայտով ներկայացվող գնի հինգ տոկոսին: Հայտի ապահովումը ներկայացվում է բանկային երաշխիքի կամ կանխիկ փողի ձևով: Եթե հայտի ապահովումը ներկայացվում է բանկային երաշխիքի ձևով, ապա դրանում որպես բենեֆիցիար պետք է նշվի Հայաստանի Հանրապետության պաշտպանության նախարարությունը:

Հրավերի 10-րդ բաժինը նվիրված է պայմանագրի ապահովման կարգավորմանը: Այսպես, Հրավերի 10.1-րդ կետի համաձայն՝ պայմանագրի ապահովում ներկայացնելու պահանջի հիման վրա, այն ստանալու օրվանից 10 աշխատանքային օրվա ընթացքում, ընտրված մասնակիցը պարտավոր է ներկայացնել պայմանագրի ապահովում: Ընտրված մասնակցի հետ պայմանագիր կնքվում է, եթե վերջինս ներկայացնում է պայմանագրի ապահովում: Նույն հրավերի 10.2-րդ կետի համաձայն՝ այն դեպքում, երբ սույն ընթացակարգի շրջանակում ընտրված մասնակցի ներկայացրած գնային առաջարկը գերազանցում է 70 մլն. ՀՀ դրամը, ապա պայմանագրի ապահովումը ներկայացվում է բանկային երաշխիքի կամ կանխիկ փողի ձևով: Կանխիկ փողի ձևով ներկայացված պայմանագրի ապահովումը պետք է փոխանցվի Կենտրոնական գանձապետարանում լիազորված մարմնի անվամբ բացված «900008000474» գանձապետական հաշվին:

Հրավերի 12-րդ հավելվածը նվիրված է մասնակցի կողմից ներկայացվող բանկային երաշխիքին, ընդ որում, վերոհիշյալ հավելվածի 1-ին կետի ուսումնասիրությունից ակնհայտ է դառնում, որ սույն երաշխիքը հանդիսանում է կնքված պայմանագրից բխող պրինցիպալի պարտավորությունների կատարման ապահովում, այլ կերպ ասած պայմանագրի ապահովում, այլ ոչ թե հայտի ապահովում:

ՀՀ կառավարության 2011թ. օգոստոսի 11-ի թիվ 1145-Ն որոշմամբ հաստատված է երաշխիքի օրինակելի ձև: Վերոհիշյալ երաշխիքի օրինակելի ձևի ուսումնասիրությունից երևում է (1-ին կետ), որ այդ երաշխիքը հանդիսանում է կնքված պայմանագրից բխող

պրինցիպալի պարտավորությունների կատարման ապահովում, այլ կերպ ասած պայմանագրի ապահովում, այլ ոչ թե հայտի ապահովում:

Վերոհիշյալ փաստերի համադրումից պարզ է դառնում, որ «Էլիտ Գրուպ» ՍՊԸ-ի հայտը մերժվել է, քանզի ըստ գնահատող հանձնաժողովի՝ վերջինիս կողմից ներկայացված հայտի ապահովումը (բանկային երաշխիքի ձևով ներկայացված) չի համապատասխանել ՀՀ կառավարության 2011թ. օգոստոսի 11-ի թիվ 1145-Ն որոշմամբ հաստատված երաշխիքի օրինակելի ձևին, մինչդեռ ՀՀ կառավարության վկայակոչված որոշմամբ հաստատվել է պայմանագրի ապահովման օրինակելի ձև, այլ ոչ թե հայտի ապահովման օրինակելի ձևը: Մասնավորապես, «Էլիտ Գրուպ» ՍՊԸ-ի հայտի ապահովման՝ բանկային երաշխիքի առաջին հատվածում նշված է՝ «ՀՀ ՊՆ ՆՏԱԴ-ԲՄԱՊՁԲ-7/10» ծածկագրով բաց մրցույթից բխող պարտավորությունների կատարման ապահովում (հայտի ապահովում), իսկ ՀՀ կառավարության 2011թ. օգոստոսի 11-ի թիվ 1145-Ն որոշմամբ հաստատված երաշխիքի օրինակելի ձևի առաջին կետում նշված է՝ կնքված պայմանագրից բխող պրինցիպալի պարտավորությունների կատարման ապահովում (պայմանագրի ապահովում):

Միևնույն ժամանակ, հրավերի 12-րդ կետով նախատեսված երաշխիքի օրինակելի ձևը նույնպես վերաբերում է կնքված պայմանագրից բխող պրինցիպալի պարտավորությունների կատարման ապահովմանը, այլ ոչ թե հայտի ապահովմանը:

Այսպիսով, Ընկերությունը գտնում է, որ նման պայմաններում չի կարող արձանագրվել, որ «Էլիտ Գրուպ» ՍՊԸ-ի հայտի ապահովումը՝ ներկայացված բանկային երաշխիքի ձևով, չի համապատասխանում ՀՀ կառավարության 2011թ. օգոստոսի 11-ի թիվ 1145-Ն որոշմամբ հաստատված երաշխիքի օրինակելի ձևի և Մրցույթի հրավերով սահմանված բանկային երաշխիքի օրինակելի ձևի պահանջներին, քանզի վերջիններս չեն սահմանում հայտի ապահովումը բանկային երաշխիքի ձևով ներկայացնելու որևէ օրինակելի ձև:

Միևնույն ժամանակ, Ընկերությունը հայտնել է, որ որ «Էլիտ Գրուպ» ՍՊԸ-ի կողմից որպես հայտի ապահովում ներկայացված «Արցախբանկ» ՓԲԸ-ի կողմից 29.01.2018թ. տրամադրված թիվ 227/06/01 բանկային երաշխիքը, ըստ էության, բավարարում է անգամ ՀՀ կառավարության 2011թ. օգոստոսի 11-ի թիվ 1145-Ն որոշմամբ հաստատված երաշխիքի օրինակելի ձևի և Մրցույթի հրավերով սահմանված բանկային երաշխիքի

օրինակելի ձևի պահանջներին, հանդիսանում է պատշաճ ֆինանսական փաստաթուղթ և կարող է հիմք հանդիսանալ բանկի կողմից բենեֆիցարին պահանջված գումարը անհապաղ վճարելու համար:

«Գնումների մասին» ՀՀ օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Ուսումնասիրելով վերոշարադրված փաստերն ու փաստական հանգամանքները՝ Ընկերությունը գտնում է, որ «Էլիտ Գրուպ» ՍՊԸ-ի կողմից ներկայացրած բանկային երաշխիքը համապատասխանում է ՀՀ պաշտպանության նախարարության կողմից հայտարարված «ՀՀ ՊՆ ՆՏԱԴ-ԲՄԱՊՁԲ-7/10» ծածկագրով բաց մրցույթի հրավերով սահմանված պահանջներին, և այս պարագայում «Էլիտ Գրուպ» ՍՊԸ-ի հայտը ենթակա չէր մերժման, ուստի «Էլիտ Գրուպ» ՍՊԸ-ի հայտը մերժելիս՝ գնահատող հանձնաժողովը խախտել է «Գնումների մասին» ՀՀ օրենքի 34-րդ հոդվածի 1-ին մասի պահանջները:

Ելնելով վերոգրյալից Ընկերությունը ՀՀ գնումների բողոքարկման խորհրդին խնդրել է՝

1. Դադարեցնել «ՀՀ ՊՆ ՆՏԱԴ-ԲՄԱՊՁԲ-7/10» ծածկագրով բաց մրցույթի գնահատող հանձնաժողովի 31.01.2018թ. ժամը 10:00-ի նիստի թիվ 3 արձանագրության 2.3-րդ կետով կայացրած որոշումը՝ «Էլիտ Գրուպ» ՍՊԸ-ի մասով.

2. Պարտավորեցնել մրցույթի գնահատող հանձնաժողովին «Էլիտ Գրուպ» ՍՊԸ-ի կողմից ներկայացված բանկային երաշխիքը գնահատել «ՀՀ ՊՆ ՆՏԱԴ-ԲՄԱՊՁԲ-7/10» ծածկագրով բաց մրցույթի հրավերի պահանջներին համապատասխանող:

«Էլիտ Գրուպ» ՍՊԸ-ն, պատշաճ ծանուցված լինելով Խորհրդի 23.02.2018թ. ժամը 10:30-ի նիստի վերաբերյալ, ապահովել է իր ներկայացուցիչների մասնակցությունը, ովքեր պնդել են բողոքով ներկայացված դիրքորոշումը:

2. ՀՀ պաշտպանության նախարարության կողմից բողոքի վերաբերյալ ներկայացված փաստերը, հիմնավորումները և դիրքորոշումը.

«Այաշտպանության նախարարությունը Խորհրդին ուղղված 01.03.2018թ. թիվ ԴՎԱ/728 գրությամբ հայտնել է, որ «Էլիտ Գրուպ» ՍՊԸ-ի հայտը մերժվել է, քանի որ Ընկերության կողմից ներկայացված հայտի ապահովման բանկային երաշխիքը չի համապատասխանում «Այաշտպանության 11.08.2011թ. թիվ 1145-Ն որոշմամբ հաստատված բանկային երաշխիքի օրինակելի ձևին, բաղկացած է կամայական շարադրանքից, ինչը հնարավոր կիրառման ժամանակ կատարման մեծ ռիսկ է պարունակում:

«Այաշտպանության նախարարությունը, պատշաճ ծանուցված լինելով Խորհրդի 23.02.2018թ. ժամը 10:30-ի նիստի վերաբերյալ, ապահովել է իր ներկայացուցչի մասնակցությունը, ով պնդել է վերոհիշյալ գրությամբ ներկայացված դիրքորոշումը:

3. ԳԲԽ-ԱՄ-2018/27 բողոքի քննության համար էական նշանակություն ունեցող փաստերը

ԳԲԽ-ԱՄ-2018/27 բողոքի քննության համար էական նշանակություն ունեն հետևյալ փաստերը՝

1. «Այաշտպանության նախարարության կողմից «Այաշտպանության նախարարության կարիքների համար մաքուսական և բուսական պահածոների ձեռքբերման նպատակով կազմակերպվել է «ԱՄ ՊՆ ՆՏԱԴ-ԲՄԱՊՁԲ-7/10» ծածկագրով բաց մրցույթ, որին մասնակցելու նպատակով ի թիվս այլ մասնակիցների հայտ է ներկայացրել «Էլիտ Գրուպ» ՍՊԸ-ն:

2. Մրցույթի հրավերի 7-րդ կետի 7.1 ենթակետով սահմանվել է, որ մասնակիցը հայտով՝ սույն հրավերով սահմանված կարգով ներկայացնում է հայտի ապահովում, որի չափը հավասար է հայտով ներկայացվող գնի հինգ տոկոսին: Հայտի ապահովումը ներկայացվում է բանկային երաշխիքի կամ կանխիկ փողի ձևով:

3. Մրցույթի հրավերի 12-րդ հավելվածով նախատեսվել է երաշխիքի հետևյալ օրինակելի ձևը:

ԵՐԱՇԽԻՔ N _____

1. Սույն երաշխիքը (այսուհետ՝ երաշխիք) հանդիսանում է _____
(անունը, ազգանունը կամ անվանումը)

(այսուհետ՝ բենեֆիցիար) և _____ (այսուհետ՝ պրինցիպալ) միջև
(անունը, ազգանունը կամ անվանումը)

_____ կնքված N _____ պայմանագրից բխող պրինցիպալի
(ամիսը, ամսաթիվը, տարեթիվը) (պայմանագրի համարը)

պարտավորությունների (այսուհետ՝ երաշխավորված պարտավորություններ) կատարման ապահովում:

2. Երաշխիքով _____ (այսուհետ՝ երաշխիք տվող անձ)
(երաշխիք տվող բանկ, այլ վարկային հաստատություն
կամ ապահովագրական կազմակերպություն)

անվերապահորեն պարտավորվում է բենեֆիցիարի՝ սույն երաշխիքով սահմանված կարգով և ժամկետում
ներկայացված պահանջով (այսուհետ՝ պահանջ) բենեֆիցիարին վճարել
_____ (այսուհետ՝
(գումարը՝ թվերով) (գումարը՝ տառերով) (դրամ կամ այլ արժույթ)
երաշխիքի գումար)՝ պահանջն ստանալուց հետո _____ (_____
(օրերը՝ թվերով) (օրերը՝ տառերով)

աշխատանքային օրվա ընթացքում: Վճարումը կատարվում է բենեֆիցիարի

_____ բանկում բացված
(բանկի անվանումը) _____
(բանկային հաշվի համարը)

բանկային հաշվին փոխանցման միջոցով:

3. Սույն երաշխիքն անհետկանչելի է:

4. Սույն երաշխիքից բխող բենեֆիցիարի՝ երաշխիքի գումարի վճարումը պահանջելու իրավունքը կարող է
փոխանցվել այլ անձի երաշխիք տվող անձի գրավոր համաձայնության դեպքում:

5. Երաշխիքը գործում է _____ մինչև _____ ներառյալ:
(ամիսը, ամսաթիվը, տարեթիվը) (ամիսը, ամսաթիվը, տարեթիվը)

6. Բենեֆիցիարը պահանջը ներկայացնում է երաշխիք տվող անձին գրավոր ձևով: Պահանջին կից
ներկայացվում են հետևյալ փաստաթղթերը՝

- 1) _____
- 2) _____
- 3) _____ :

7. Երաշխիք տվող անձը բենեֆիցիարի կողմից ներկայացված
պահանջը և կից փաստաթղթերն ստանալուց հետո առավելագույնը
_____ (_____)

(օրերը՝ թվերով) (օրերը՝ տառերով)

աշխատանքային օրվա ընթացքում քննարկում է ներկայացված պահանջը և կից փաստաթղթերը՝ սույն
երաշխիքի պայմաններին դրանց համապատասխանությունը պարզելու համար:

8. Այն դեպքում, երբ բենեֆիցիարը ներկայացրել է սույն երաշխիքի պայմաններին համապատասխանող
պահանջ և կից փաստաթղթեր, իսկ երաշխիք տվող անձը երաշխիքով սահմանված ժամկետում չի վճարում
երաշխիքի գումարն ամբողջությամբ, ապա բենեֆիցիարն իրավունք ունի երաշխիք տվող անձի բանկից
պահանջելու երաշխիք տվող անձի հաշվից իրեն վճարել երաշխիքի գումարը՝ ներկայացնելով սույն
երաշխիքի իր օրինակը:

9. Այն դեպքում, երբ բենեֆիցիարը ներկայացրել է սույն երաշխիքի պայմաններին համապատասխանող
պահանջ և կից փաստաթղթեր, իսկ երաշխիք տվող անձը երաշխիքով սահմանված ժամկետում չի վճարում
երաշխիքի գումարն ամբողջությամբ, այդ թվում՝ երբ բենեֆիցիարի կողմից սույն երաշխիքի 8-րդ կետում
ամրագրված իր իրավունքից օգտվելու դեպքում՝ երաշխիք տվող անձի բանկային հաշվում առկա չեն

բավարար միջոցներ, ապա երաշխիք տվող անձը, իր պարտավորությունը չկատարելու կամ ոչ պատշաճ կատարելու համար բենեֆիցիարին վճարում է տուժանք՝ յուրաքանչյուր ուշացված օրվա համար՝ _____ չափով: Ընդ որում, երաշխիքի գումարի վճարման իր պարտավորությունը չկատարելու կամ ոչ պատշաճ կատարելու համար երաշխիք տվող անձի պատասխանատվությունը չի սահմանափակվում երաշխիքի գումարով:

10. Երաշխիք տվող անձը մերժում է բենեֆիցիարի պահանջը, եթե՝

1) պահանջը կամ կից փաստաթղթերը չեն համապատասխանում սույն երաշխիքի պայմաններին.

2) պահանջը ներկայացվել է երաշխիքով սահմանված ժամկետի ավարտից հետո:

11. Երաշխիք տվող անձը պահանջը մերժելու մասին որոշում ընդունելու դեպքում անհապաղ, բայց ոչ ուշ, քան նույն աշխատանքային օրը, մերժման մասին տեղեկացնում է բենեֆիցիարին:

12. Սույն երաշխիքի նկատմամբ կիրառվում են Հայաստանի Հանրապետության քաղաքացիական օրենսգրքի համապատասխան դրույթները:

13. Սույն երաշխիքի կապակցությամբ ծագող վեճերը ենթակա են լուծման Հայաստանի Հանրապետության օրենսդրությամբ սահմանված կարգով:

Գործադիր տնօրեն _____

(ամիսը, ամսաթիվը, տարեթիվը)

4. «Էլիտ Գրուպ» ՍՊԸ-ի կողմից որպես հայտի ապահովում ներկայացվել է «Արցախբանկ» ՓԲԸ-ի կողմից 29.01.2018թ. տրված թիվ E1800003 բանկային երաշխքը՝ հետևյալ բովանդակությամբ.

«Ընդունելով ի գիտություն, որ ՀՀ պաշտպանության նախարարության /այսուհետև՝ Բենեֆիցիար/ հետ կնքվելիք ՀՀ ՊՆ ՆՏԱԴ-ԲՄԱՊՁԲ-7/10 ծածկագրով բաց մրցույթից բխող պարտավորությունների կատարման ապահովման /հայտի ապահովում/ նպատակով «ԷԼԻՏ ԳՐՈՒՊ» սահմանափակ պատասխանատվությամբ ընկերությունն /այսուհետև՝ Պրինցիպալ/ պարտավոր է ներկայացնել բանկային երաշխիք 64 157 230.50 /վաթսունչորս միլիոն հարյուր հիսունյոթ հազար երկու հարյուր երեսուն/ ՀՀ դրամ հիսուն լումա գումարի չափով /այսուհետև՝ երաշխիքային գումար/ «Արցախբանկ» փակ բաժնետիրական ընկերությունը /այսուհետև՝ երաշխավոր/ ստանձնում է անվերապահ պարտավորություն հանդես գալ իբրև Պրինցիպալի ու նրա իրավահաջորդների /ժառանգների/ հետ համապարտ պարտապան, ի ապահովումն նշված մրցույթին մասնակցելուց բխող պրինցիպալի պարտավորությունների պատշաճ, ժամանակին և ամբողջ ծավալով կատարման:

Պրինցիպալի կողմից նշված մրցույթին մասնակցելուց բխող պարտավորությունների կատարման կամ ոչ պատշաճ կատարման, Պայմանագրից խուսափելու կամ հրաժարվելու դեպքում բանկը պարտավորվում է անհապաղ վճարել Բենեֆիցիարին պահաջված

գումարը՝ երաշխիքային գումարի սահմաններում, ինչպես նաև իրավունք է վերապահում Բենեֆիցիարին, առանց Բանկին նախնական պահանջ ներկայացնելու, անվիճելի և անառարկելի կարգով վճարման պահանջագրով գանձել համապատասխան գումար, երաշխիքային գումարի սահմաններում, Բանկի ՀՀ Կենտրոնական բանկում կամ ցանկացած թղթակից բանկում բացված ցանկացած այլ հաշվից:

Սույնով Բանկը հանձնարարում է ՀՀ Կենտրոնական բանկին, ինչպես նաև իր բոլոր թղթակից բանկերից, սույն երաշխիքի ամբողջ ժամկետի ընթացքում Բենեֆիցիարի առաջին իսկ պահանջով և հետագա բոլոր պահանջներով Բանկի թղթակցային հաշիվներից անվիճելի կարգով գանձել պահանջվող գումարը՝ սույն երաշխիքի բնօրինակը ներկայացնելու դեպքում:

Սույն երաշխիքը տրվում է մեկ օրինակից, և չի կարող հետ կանչվել կամ վաղաժամկետ դադարեցվել Բանկի կողմից:

Սույն երաշխիքն ուժի մեջ է մտնում տրամադրման պահից և գործում է մինչև 23 հուլիսի 2018թ.:»:

5. Մրցույթի գնահատող հանձնաժողովի 31.01.2018թ. ժամը 10:00-ի նիստի թիվ 3 արձանագրության 2-րդ կետի 2.3 ենթակետի համաձայն՝ քննարկելով «Էլիտ Գրուպ» ՍՊԸ-ի հայտի ապահովման բանկային երաշխիքը գնահատող հանձնաժողովը որոշում է կայացրել մերժել Ընկերության հայտը:

4. Խորհրդի հիմնավորումները և եզրահանգումը

Խորհուրդն, ուսումնասիրելով «Էլիտ Գրուպ» ՍՊԸ-ի 19.02.2018թ. բողոքը, ՀՀ պաշտպանության նախարարության 01.03.2018թ. թիվ ԴՎԱ/728 գրությունը և կից փաստաթղթերը, հայտնում է հետևյալը.

«Գնումների մասին» ՀՀ օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Օրենքի 32-րդ հոդվածի 1-ին մասի համաձայն՝ մասնակիցը հայտով՝ հրավերով սահմանված պահանջով ներկայացնում է հայտի ապահովում, որի չափը հավասար է հայտով առաջարկվող գնի մինչև հինգ տոկոսին: Հայտի ապահովումը ներկայացվում է միակողմանի հաստատված հայտարարության՝ տուժանքի կամ բանկային երաշխիքի կամ կանխիկ փողի ձևով: Կանխիկ փողի ձևով ներկայացված հայտի ապահովումը պահվում է լիազոր մարմնի անվամբ բացված գանձապետական հաշվում:

ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 32-րդ կետի 1-ին ենթակետի «դ» պարբերության համաձայն՝ հրավերով նախատեսվում է նաև, որ մասնակիցը հայտով ներկայացնում է հայտի ապահովում:

Կարգի 32-րդ կետի 9-րդ ենթակետի համաձայն՝ հրավերով նախատեսվում է նաև, որ, եթե տվյալ ընթացակարգի շրջանակում գնվելիք ապրանքի, աշխատանքի կամ ծառայության նախահաշվային գինը չի գերազանցում գնումների բազային միավորի յոթանասունապատիկը, ապա հայտի ապահովումը ներկայացվում է միակողմանի հաստատված հայտարարության՝ տուժանքի կամ կանխիկ փողի ձևով: Այլ դեպքերում հայտի ապահովումը ներկայացվում է բանկային երաշխիքի կամ կանխիկ փողի ձևով:

Կարգի 40-րդ կետի 4-րդ ենթակետի համաձայն՝ հայտերի բացման նիստում հանձնաժողովը մերժում է այն հայտերը, որոնցում բացակայում են գնային առաջարկը և (կամ) հայտի ապահովումը կամ եթե դրանք ներկայացված են հրավերի պահանջներին անհամապատասխան:

Կարգի 41-րդ կետի համաձայն՝ եթե հայտերի բացման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, բացառությամբ այն դեպքերի, երբ հայտում բացակայում է գնային առաջարկը կամ հայտի ապահովումը, կամ գնային առաջարկը, կամ հայտի ապահովումը ներկայացված է հրավերի պահանջներին անհամապատասխան, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

«
պաշտպանության նախարարության կողմից «
պաշտպանության նախարարության կարիքների համար մսաբուսական և բուսական պահածոների ձեռքբերման նպատակով կազմակերպվել է «ՀՀ ՊՆ ՆՏԱԴ-ԲՄԱՊԶԲ-7/10» ծածկագրով բաց մրցույթ, որի հրավերի 7-րդ կետի 7.1 ենթակետով սահմանվել է, որ մասնակիցը հայտով՝ սույն հրավերով սահմանված կարգով ներկայացնում է հայտի ապահովում, որի չափը հավասար է հայտով ներկայացվող գնի հինգ տոկոսին: **Հայտի ապահովումը ներկայացվում է բանկային երաշխիքի կամ կանխիկ փողի ձևով:**

Նույն հրավերի հրավերի 12-րդ հավելվածով նախատեսվել է երաշխիքի հետևյալ օրինակելի ձևը:

ԵՐԱՇԽԻՔ N _____

1. Սույն երաշխիքը (այսուհետ՝ երաշխիք) հանդիսանում է _____
(անունը, ազգանունը կամ անվանումը)

(այսուհետ՝ բենեֆիցիար) և _____ (այսուհետ՝ պրինցիպալ) միջև
(անունը, ազգանունը կամ անվանումը)

_____ կնքված N _____ պայմանագրից բխող պրինցիպալի
(ամիսը, ամսաթիվը, փարեթիվը) (պայմանագրի համարը)

պարտավորությունների (այսուհետ՝ երաշխավորված պարտավորություններ) կատարման ապահովում:

2. Երաշխիքով _____ (այսուհետ՝ երաշխիք փոխանցող անձ)
(երաշխիք փոխանցող բանկ, այլ վարկային հաստատություն
կամ ապահովագրական կազմակերպություն)

անվերապահորեն պարտավորվում է բենեֆիցիարի՝ սույն երաշխիքով սահմանված կարգով և ժամկետում ներկայացված պահանջով (այսուհետ՝ պահանջ) բենեֆիցիարին վճարել

_____ (այսուհետ՝
(գումարը՝ թվերով) (գումարը՝ տառերով) (դրամ կամ այլ արժույթ)
երաշխիքի գումար)՝ պահանջն ստանալուց հետո _____ (այսուհետ՝
(օրերը՝ թվերով) (օրերը՝ տառերով)

աշխատանքային օրվա ընթացքում: Վճարումը կատարվում է բենեֆիցիարի

_____ բանկում բացված _____
(բանկի անվանումը) (բանկային հաշվի համարը)

բանկային հաշվին փոխանցման միջոցով:

3. Սույն երաշխիքն անհետկանչելի է:

4. Սույն երաշխիքից բխող բենեֆիցիարի՝ երաշխիքի գումարի վճարումը պահանջելու իրավունքը կարող է փոխանցվել այլ անձի երաշխիք փոխանցող անձի գրավոր համաձայնության դեպքում:

5. Երաշխիքը գործում է _____ մինչև _____ ներառյալ:
(ամիսը, ամսաթիվը, փարեթիվը) (ամիսը, ամսաթիվը, փարեթիվը)

6. Բենեֆիցիարը պահանջը ներկայացնում է երաշխիք փոխանցելու անձին գրավոր ձևով: Պահանջին կից ներկայացվում են հետևյալ փաստաթղթերը՝

- 1) _____
- 2) _____
- 3) _____:

7. Երաշխիք փոխանցելու անձը բենեֆիցիարի կողմից ներկայացված պահանջը և կից փաստաթղթերն ստանալուց հետո առավելագույնը _____ (_____)

(օրերը՝ թվերով) (օրերը՝ փառերով)

աշխատանքային օրվա ընթացքում քննարկում է ներկայացված պահանջը և կից փաստաթղթերը՝ սույն երաշխիքի պայմաններին դրանց համապատասխանությունը պարզելու համար:

8. Այն դեպքում, երբ բենեֆիցիարը ներկայացրել է սույն երաշխիքի պայմաններին համապատասխանող պահանջ և կից փաստաթղթեր, իսկ երաշխիք փոխանցելու անձը երաշխիքով սահմանված ժամկետում չի վճարում երաշխիքի գումարն ամբողջությամբ, ապա բենեֆիցիարն իրավունք ունի երաշխիք փոխանցելու անձի բանկից պահանջելու երաշխիք փոխանցելու հաշվից իրեն վճարել երաշխիքի գումարը՝ ներկայացնելով սույն երաշխիքի իր օրինակը:

9. Այն դեպքում, երբ բենեֆիցիարը ներկայացրել է սույն երաշխիքի պայմաններին համապատասխանող պահանջ և կից փաստաթղթեր, իսկ երաշխիք փոխանցելու անձը երաշխիքով սահմանված ժամկետում չի վճարում երաշխիքի գումարն ամբողջությամբ, այդ թվում՝ երբ բենեֆիցիարի կողմից սույն երաշխիքի 8-րդ կետում ամրագրված իր իրավունքից օգտվելու դեպքում՝ երաշխիք փոխանցելու անձի բանկային հաշվում առկա չեն բավարար միջոցներ, ապա երաշխիք փոխանցելու անձը, իր պարտավորությունը չկատարելու կամ ոչ պատշաճ կատարելու համար բենեֆիցիարին վճարում է փութանք՝ յուրաքանչյուր ուշացված օրվա համար՝ _____ չափով: Ընդ որում, երաշխիքի գումարի վճարման իր պարտավորությունը չկատարելու կամ ոչ պատշաճ կատարելու համար երաշխիք փոխանցելու անձի պարտասխանավորությունը չի սահմանափակվում երաշխիքի գումարով:

10. Երաշխիք փոխանցելու անձը մերժում է բենեֆիցիարի պահանջը, եթե՝

- 1) պահանջը կամ կից փաստաթղթերը չեն համապատասխանում սույն երաշխիքի պայմաններին.
- 2) պահանջը ներկայացվել է երաշխիքով սահմանված ժամկետի ավարտից հետո:

11. Երաշխիք փոխանցելու անձը պահանջը մերժելու մասին որոշում ընդունելու դեպքում անհապաղ, բայց ոչ ուշ, քան նույն աշխատանքային օրը, մերժման մասին պետք է ընդհանրապես ընդհանրապես ընդհանրապես:

12. Սույն երաշխիքի նկատմամբ կիրառվում են Հայաստանի Հանրապետության քաղաքացիական օրենսգրքի համապատասխան դրույթները:

13. Սույն երաշխիքի կապակցությամբ ծագող վեճերը ենթակա են լուծման Հայաստանի Հանրապետության օրենսդրությամբ սահմանված կարգով:

Գործադիր տնօրեն _____

(ամիսը, ամսաթիվը, փարթիվը)

Խորհուրդն արձանագրում է, որ Մրցույթի հրավերի 12-րդ հավելվածով նախատեսված երաշխիքի օրինակելի ձևը լիովին համընկնում է ՀՀ կառավարության 11.08.2011թ. «Հայաստանի Հանրապետության պետական մարմինների կողմից պահանջվող երաշխիքի օրինակելի ձևը հաստատելու մասին» N 1145-Ն որոշմամբ հաստատված հավելվածով նախատեսված երաշխիքի օրինակելի ձևին:

Մրցույթին մասնակցության հայտ ներկայացրած «Էլիտ Գրուպ» ՍՊԸ-ի կողմից որպես հայտի ապահովում ներկայացվել է «Արցախբանկ» ՓԲԸ-ի կողմից 29.01.2018թ. տրված թիվ E1800003 բանկային երաշխիքը՝ հետևյալ բովանդակությամբ.

«Ընդունելով ի գիտություն, որ ՀՀ պաշտպանության նախարարության /այսուհետև՝ Բենեֆիցիար/ հետ կնքվելիք ՀՀ ՊՆ ՆՏԱԴ-ԲՄԱՊՁԲ-7/10 ծածկագրով բաց մրցույթից բխող պարտավորությունների կատարման ապահովման /հայտի ապահովում/ նպատակով «ԷԼԻՏ ԳՐՈՒՊ» սահմանափակ պատասխանատվությամբ ընկերությունն /այսուհետև՝ Պրինցիպալ/ պարտավոր է ներկայացնել բանկային երաշխիք 64 157 230.50 /վաթսուհորս միլիոն հարյուր հիսունյոթ հազար երկու հարյուր երեսուն/ ՀՀ դրամ հիսուն լումա գումարի չափով /այսուհետև՝ երաշխիքային գումար/ «Արցախբանկ» փակ բաժնետիրական ընկերությունը /այսուհետև՝ երաշխավոր/ ստանձնում է անվերապահ պարտավորություն հանդես գալ իբրև Պրինցիպալի դու նրա իրավահաջորդների /ժառանգների/ հետ համապարփ պարտապան, ի ապահովումն նշված մրցույթին մասնակցելուց բխող պրինցիպալի պարտավորությունների պարշած, ժամանակին և ամբողջ ծավալով կատարման:

Պրինցիպալի կողմից նշված մրցույթին մասնակցելուց բխող պարտավորությունների կատարման կամ ոչ պարշած կատարման, Պայմանագրից խուսափելու կամ հրաժարվելու դեպքում բանկը պարտավորվում է անհապաղ վճարել Բենեֆիցիարին պահաջված գումարը՝ երաշխիքային գումարի սահմաններում, ինչպես նաև իրավունք է վերապահում Բենեֆիցիարին, առանց Բանկին նախնական պահանջ ներկայացնելու, անվիճելի և անառարկելի կարգով վճարման պահանջագրով գանձել համապատասխան գումար, երաշխիքային գումարի սահմաններում, Բանկի ՀՀ Կենտրոնական բանկում կամ ցանկացած թղթակից բանկում բացված ցանկացած այլ հաշվից:

Սույնով Բանկը հանձնարարում է ՀՀ Կենտրոնական բանկին, ինչպես նաև իր բոլոր թղթակից բանկերից, սույն երաշխիքի ամբողջ ժամկետի ընթացքում Բենեֆիցիարի առաջին իսկ պահանջով և հետագա բոլոր պահանջներով Բանկի թղթակցային հաշիվներից անվիճելի կարգով գանձել պահանջվող գումարը՝ սույն երաշխիքի բնօրինակը ներկայացնելու դեպքում:

Սույն երաշխիքը տրվում է մեկ օրինակից, և չի կարող հետ կանչվել կամ վաղաժամկետ դադարեցվել Բանկի կողմից:

Սույն երաշխիքն ուժի մեջ է մտնում տրամադրման պահից և գործում է մինչև 23 հուլիսի 2018թ.:»:

Մրցույթի գնահատող հանձնաժողովը 31.01.2018թ. ժամը 10:00-ի նիստի թիվ 3 արձանագրության 2-րդ կետի 2.3 ենթակետով որոշել է «Էլիտ Գրուպ» ՍՊԸ-ի հայտը մերժել՝ այն հիմնավորմամբ, որ Ընկերության հայտի ապահովման բանկային երաշխիքը չի համապատասխանում ՀՀ կառավարության 11.08.2011թ. «Հայաստանի Հանրապետության պետական մարմինների կողմից պահանջվող երաշխիքի օրինակելի ձևը հաստատելու մասին» N 1145-Ն որոշմամբ հաստատված երաշխիքի օրինակելի ձևին:

Խորհուրդը գտնում է, որ վերոհիշյալ հիմնավորմամբ մերժելով «Էլիտ Գրուպ» ՍՊԸ-ի հայտը, Մրցույթի գնահատող հանձնաժողովը գործել է իրավաչափ, հետևյալ պատճառաբանությամբ.

ՀՀ կառավարության 11.08.2011թ. «Հայաստանի Հանրապետության պետական մարմինների կողմից պահանջվող երաշխիքի օրինակելի ձևը հաստատելու մասին» N 1145-Ն որոշման 2-րդ կետով սահմանվել է, որ Հայաստանի Հանրապետության պետական կառավարման մարմինների, պետական հիմնարկների, պետական ոչ առևտրային կազմակերպությունների, պետության հիսուն տոկոսից ավելի բաժնեմաս ունեցող կազմակերպությունների ղեկավարները **«Գնումների մասին» Հայաստանի Հանրապետության օրենքով սահմանված դեպքերում երաշխիքը պետք է պահանջեն սույն որոշմամբ հաստատված երաշխիքի օրինակելի ձևին համապատասխան:**

«Գնումների մասին» ՀՀ օրենքի 32-րդ հոդվածի 1-ին մասը նախատեսում է, որ հայտի ապահովումը ներկայացվում է միակողմանի հաստատված հայտարարության՝ տուժանքի կամ **բանկային երաշխիքի** կամ կանխիկ փողի ձևով:

ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի 32-րդ կետի 1-ին ենթակետի «դ» պարբերության համաձայն՝ հրավերով նախատեսվում է նաև, որ մասնակիցը հայտով ներկայացնում է հայտի ապահովում:

Կարգի 32-րդ կետի 9-րդ ենթակետի համաձայն՝ հրավերով նախատեսվում է նաև, որ, եթե տվյալ ընթացակարգի շրջանակում գնվելիք ապրանքի, աշխատանքի կամ ծառայության նախահաշվային գինը չի գերազանցում գնումների բազային միավորի յոթանասունապատիկը, ապա հայտի ապահովումը ներկայացվում է միակողմանի հաստատված հայտարարության՝ տուժանքի կամ կանխիկ փողի ձևով: **Այլ դեպքերում հայտի ապահովումը ներկայացվում է բանկային երաշխիքի կամ կանխիկ փողի ձևով:**

Հաշվի առնելով այն հանգամանքը, որ «ՀՀ ՊՆ ՆՏԱԴ-ԲՄԱՊՁԲ-7/10» ծածկագրով բաց մրցույթի շրջանակում գնվելիք ապրանքի նախահաշվային գինը գերազանցում է գնումների բազային միավորի յոթանասունապատիկը, Մրցույթի հրավերով նախատեսվել է, որ **հայտի ապահովումը ներկայացվում է բանկային երաշխիքի կամ կանխիկ փողի ձևով:**

Միևնույն ժամանակ, Խորհուրդն արձանագրում է, որ Մրցույթի հրավերով նախատեսվել է նաև բանկային երաշխիքի այն օրինակելի ձևը, որ համաձայն ՀՀ կառավարության 11.08.2011թ. «Հայաստանի Հանրապետության պետական մարմինների կողմից պահանջվող երաշխիքի օրինակելի ձևը հաստատելու մասին» N 1145-Ն որոշման 2-րդ կետի՝ ենթակա է կիրառման «Գնումների մասին» ՀՀ օրենքի համաձայն գնման ընթացակարգին մասնակցելու նպատակով երաշխիքի ձևով հայտի ապահովում ներկայացնելիս:

Մինչդեռ Խորհուրդն արձանագրում է, որ «Էլիտ Գրուպ» ՍՊԸ-ի կողմից որպես հայտի ապահովում ներկայացված բանկային երաշխիքը չի համապատասխանում ՀՀ կառավարության 11.08.2011թ. «Հայաստանի Հանրապետության պետական մարմինների կողմից պահանջվող երաշխիքի օրինակելի ձևը հաստատելու մասին» N 1145-Ն որոշմամբ հաստատված և «ՀՀ ՊՆ ՆՏԱԴ-ԲՄԱՊՁԲ-7/10» ծածկագրով բաց մրցույթի հրավերով նախատեսված երաշխիքի օրինակելի ձևին և իր բովանդակությամբ էականորեն տարբերվում է նշված օրինակելի ձևի բովանդակությունից:

Ինչ վերաբերում է բողոքաբերի այն պնդմանը, որ Մրցույթի հրավերով նախատեսված երաշխիքը հանդիսանում է կնքված պայմանագրից բխող պրինցիպալի պարտավորությունների կատարման ապահովում, այլ կերպ ասած պայմանագրի ապահովում, այլ ոչ թե հայտի ապահովում, ապա Խորհուրդը հայտնում է, որ տվյալ

դեպքում նշված երաշխիքը չի կարող դիտարկվել որպես բացառապես պայմանագրի ապահովում, քանի որ Հայաստանի Հանրապետության պետական մարմինների կողմից պահանջվող երաշխիքի օրինակելի ձևը հաստատելու մասին» N 1145-Ն որոշմամբ հաստատվել է **Հայաստանի Հանրապետության պետական մարմինների կողմից պահանջվող երաշխիքի ընդհանուր օրինակելի ձևը**, այլ ոչ թե այն ներկայացնելու նպատակը, ուստի այն կարող է կիրառվել թե հայտի ապահովում և թե պայմանագրի ապահովում ներկայացնելիս: Եվ յուրաքանչյուր դեպքում ներկայացնելիս երաշխիքը համապատասխանեցվում է ըստ նպատակի:

Այսպես՝ Մրցույթի հրավերի 8-րդ կետի 8.2-րդ ենթակետի համաձայն՝ հայտերը գնահատվում են սույն հրավերով սահմանված կարգով: Բավարար են գնահատվում սույն հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են: Ընդ որում հայտերի բացման նիստում հանձնաժողովը մերժում է այն հայտերը, որոնցում բացակայում են գնային առաջարկը և/կամ հայտի ապահովումը կամ **դրանք ներկայացված են հրավերի պահանջներին անհամապատասխան:**

Այսպիսով՝ Խորհուրդը գտնում է, որ «Էլիտ Գրուպ» ՍՊԸ-ի կողմից որպես հայտի ապահովում ներկայացված բանկային երաշխիքը չի համապատասխանում հրավերի պահանջներին և Կարգի 41-րդ կետի համաձայն այն ենթակա չէ շտկման, ուստի Օրենքի 34-րդ հոդվածի 1-ին մասի, Կարգի 40-րդ կետի 4-րդ կետի, ինչպես նաև Հրավերի 8-րդ կետի 8.2-րդ ենթակետի համաձայն՝ Ընկերության հայտը ենթակա է մերժման:

Հաշվի առնելով վերոգրյալը՝ Խորհուրդը գտնում է «Էլիտ Գրուպ» ՍՊԸ-ի կողմից 19.02.2018թ. ներկայացված բողոքն անհիմն է և ենթակա է մերժման:

• Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝ ՀՀ գնումների բողոքարկման խորհուրդը՝

Ո Ր Ո Շ Ե Ց

«Էլիտ Գրուպ» ՍՊԸ-ի կողմից ՀՀ գնումների բողոքարկման խորհրդին 19.02.2018թ. ներկայացված բողոքը մերժել:

ՀՀ գնումների բողոքարկման խորհրդի որոշումն իրավապարտադիր է:

ՀՀ գնումների բողոքարկման խորհրդի որոշումը կարող է բողոքարկվել դատական կարգով:

**ՀՀ գնումների բողոքարկման
խորհրդի անդամ՝**



ՄՀԵՐ ԱՆԱՆՅԱՆ